



TILLEGGSINNKALLING

Utval: Kommunestyret
Møtedato 21.10.2021
Møtetid: Kl. 15:00
Møtestad: Biblioteket på Bjørkheim

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

SAKLISTE

Saker til handsaming på møtet

Sak nr.	Arkivsak	Sakstittel	Merknad
100/2021	21/708	Overføring av prosjektansvar for fleirbrukshall/idrettshall	
101/2021	21/609	Barnehage- og SFO-tilbod i juleferien 2021	

Oversikt faste saker
• Godkjenning av innkalling og sakliste • Eventuelle merknader til protokoll frå førre møte • Orienterings-/referatsaker • Utvalet sitt kvarter



SAKSFRAMLEGG

Sakshandsamar: Jan Erik Boge	Arkivkode: FA-D11
Arkivsaksnr: 21/708	Løpenr: 21/8416
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	21.10.2021	100/2021

Overføring av prosjektansvar for fleirbrukshall/idrettshall

Rådmannen sitt framlegg til vedtak:

Ansaret for kommunen sitt vidare arbeid i fleirbrukshall-/idrettshallprosjektet blir overført frå ordføraren til rådmannen.

Dokument som er vedlagt:

Notat frå ordførar 11.10.2021

Kva saka gjeld:

Kommunestyret vedtok 10.06.2021 følgjande (i sak 047/2021):

«Fleirbrukshall/ idrettshall

Samnanger kommune vedtar å byggje fleirbrukshall/ idrettshall med målsetting om at hall skal stå ferdig bygd økonomiplanperioden. Med utgangspunkt i tidlegare utførte moglegheitsstudier skal det utarbeidast prosjektplan for bygging av fleirbrukshall/ idrettshall på følgjande alternative plasseringar: Gjerde og Hagabotnane. Prosjektplan skal leggjast fram til handsaming i kommunestyre 02.12.2021, eller tidlegare. Ordførar blir prosjektleiar for utarbeiding av prosjektplan og har fullmakt til å inngå avtale med ekstern rådgivar. I tillegg vil det vere naturleg at også administrasjonen bidrar med ressursbruk til fullføring av prosjektplan etter forespørsel frå ordførar. Det er og ei forventning at ordførar har tett dialog med frivillige lag i Samnanger kommune ved utarbeiding av prosjektplan. Til utførelse av prosjektplan blir det satt av kr. 300.000 med finansiering frå tildelte midlar frå fylkeskommunen. Ordførar avgjer statusrapport til formannskapet.»

Ordføraren har følgd opp vedtaket, og det er no inngått kontrakt med ABO Plan & Arkitektur As (ABO) om rådgjeving/prosjektleiing for opparbeiding av prosjektplan. Frå ABO er Ole Johnny Sølberg utpeikt som rådgjevar/prosjektleiar. Han vil også bli rådgjevar/prosjektleiar dersom fleirbrukshall/idrettshall blir realisert.

Det er gjennomført oppstartmøte og arbeidsmøte, der representantar frå administrasjonen har delteke i tillegg til ordføraren og rådgjevar frå ABO.

Ordføreren ønskjer no at saka blir overført til rådmannen for vidare oppfølging.

Vurderingar og konsekvensar:

Rådmannen støttar ordføreren sitt ønske om at ansvaret for fleirbrukshall-/idrettshallprosjektet no blir overført til rådmannen for vidare oppfølging. Rådmannen må avklara kva kommunale administrative ressursar som må setjast av til prosjektarbeidet, og om nødvendig foreslå løyving av budsjettmidlar til dette.

Vidare framdrift/oppfølging av saka vil bli avklart i prosjektplanen.



SAKSFRAMLEGG

Sakshandsamar: Jan Erik Boge	Arkivkode: FA-A10
Arkivsaksnr: 21/609	Løpenr: 21/8408
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	21.10.2021	101/2021

Barnehage- og SFO-tilbod i juleferien 2021

Rådmannen sitt framlegg til vedtak:

Kommunestyret gir rådmannen fullmakt til å vurdere behov og moglegheit for å halda ope ekstra dagar SFO og barnehage i perioden 20.12.2021 – 30.12.2021, og til å ta avgjerd om det skal gjevast tilbod i denne perioden. Eit eventuelt tilbod kan gjevast som fellestilbod for barnehage og SFO.

Eventuelle ekstraavgifter må forsøkast dekkast innanfor gjeldande budsjett. Dersom dette ikkje er mogleg, kan kostnader på opptil 20 000 kroner dekkast av disposisjonsfondet.

Kva saka gjeld:

Kommunen har den siste tida fått fleire førespurnadar om barnehage- og SFO-tilbod i romjula i år. Det har også kome spørsmål frå eining for pleie og omsorg om dette. Bakgrunnen for førespurnadene er at ein god del arbeidsgjevarar er avhengige av å ha tilsette på jobb på kvardagane i jula/romjula, og nokre av desse tilsette er foreldre/føresette som har behov for eit tilbod til borna når dei er på jobb. Det er i år ingen «raude dagar» i romjula. Same problemstillinga gjeld også for SFO (skulefritidsordninga), som i tillegg til å vera stengt i romjula i år også er stengt i fire dagar før julaften (jf. skuleruta).

Barnehagane sin siste opningsdag før nyttår er torsdag 23.12.2021, medan SFO har siste opningsdag fredag 17.12.2021. SFO-stenginga i samband med jul/nyttår i år er lenger enn i eit «normalår».

Etter vedtektene for dei kommunale barnehagane i Samnanger, er barnehagane stengde helge- og høgtidsdagar og jule- og nyttårsaften, samt i romjula. Etter SFO-vedtektene for Samnanger er SFO stengt i juleferien. Det er no ønskeleg å vurdere om det likevel er moglegheit for å gje barnehage- og SFO-tilbod i juleferien/romjula i 2021. Dette er tema for dette saksframlegget.

Det vil i formannskapet 11.11.2021 i tillegg koma opp ei sak om redusert stengetid i SFO i ferieveker, på bakgrunn av vedtak i kommunestyret 10.06.2021 i sak 047/2021.

Utdrag frå vedtekter for kommunale barnehagar i Samnanger:

§ 6 - OPNINGSTIDER OG FERIEAVVIKLING

§ 6.1 Opningstid Den daglege opningstida er frå kl. 7.00 til 16.30. Barnehagen er stengd helge- og høgtidsdagar og jule- og nyttårsaftan. Onsdag før skjærtorsdag stengjer barnehagen kl. 12.00.

§ 6.2 Ferie Barna skal ha 5 veker ferie gjennom eit barnehageår. Barnehagen er stengd 3 veker om sommaren (veke 29, 30 og 31) og i romjula.

§ 6.3 Planleggingsdagar Barnehagepersonalet har 5 planleggings-/kursdagar i løpet av barnehageåret (jf. tariffavtale). Barnehagen er stengd desse dagane. Planleggingsdagane reknast som den 5. ferieveka for barna.

Utdrag frå vedtekter for SFO i Samnanger kommune:

§ 6 OPNINGSTIDER OG FERIEAVVIKLING

§ 6.1 Opningstid SFO følgjer skuleruta, det vil seia 190 skuledagar. Den daglege opningstida er frå kl. 07.00 til skulestart og frå skuleslutt til 16.30. Ferietilbodet gjeld frå kl. 07.00-16.30.

§ 6.2 Ferie I følgje regelverket for skulefritidsordninga er kommunen ikkje plikta å gje tilbod om SFO i skulen sine feriar. SFO vil likevel gje tilbod om SFO 20 dagar i tillegg til skuleruta. Jamfør § 4 – 3. SFO er stengt i juleferie og påskeferie.

§ 6.3 Planleggingsdagar SFO-personalet har 6 planleggings-/kursdagar i løpet av skuleåret (jf. tariffavtale). SFO er stengt desse dagane.

Vurderingar og konsekvensar:

Kommunen har ikkje plikt til å ha SFO-tilbod i skuleferien, eller barnehagetilbod i romjula. Det bør likevel vurderast om kommunen kan ha eit tilbod i jula/romjula i år. Årsaka til dette er at det er mange kvardagar i skuleferien/romjula, at og det har blitt meldt inn behov for eit tilbod. Det er ikkje kartlagt kor stort behovet reelt sett er. Behovet bør avklarast før det blir endeleg bestemt om det skal gjevast tilbod.

Eventuelt SFO tilbod 20.12.2021 – 23.12.2021

Dersom det skal gjevast SFO-tilbod i perioden måndag 20.12.2021 – torsdag 23.12.2021, bør tilbodet etablerast som eit samarbeid med Dråpeslottet barnehage, og med bindande påmelding i god tid før 20.12.2021. Det vil truleg ikkje vera mange som har behov for SFO-plass desse dagane, men for dei som har behov kan eit slikt tilbod vera viktig. Det vil truleg vera mogleg å få til eit slikt tilbod, men det vil måtte gjerast nødvendige avklaringar med tilsette og aktuell(e) tillitsvald(e). Eit eventuelt tilbod vil vera avhengig av at kommunen har tilsette som kan arbeida desse dagane. Kommunen vil få ekstra lønnskostnader med eit slikt SFO-tilbod, og brukarbetalinga vil neppe dekkja desse kostnadane fullt ut. Nettokostnaden for kommunen vil vera avhengig av kor mange barn som blir melde på eit eventuelt tilbod. Dersom det for eksempel blir fem barn, vil nettokostnaden truleg bli minst 5 000 kroner.

Eventuelt SFO- og barnehagetilbod 27.12.2021 – 30.12.2021

Dersom det skal gjevast barnehage- og SFO-tilbod i perioden måndag 27.12.2021 – torsdag 30.12.2021, bør tilbodet gjevast som eit samlokalisert tilbod i Dråpeslottet barnehage, der også SFO blir ein del av samspelet. Det må vera bindande påmelding i god tid på førehand. Eit slikt tilbod vil vera avhengig av at kommunen har tilsette som kan arbeida desse dagane, og det vil måtte gjerast nødvendige avklaringar med tilsette og aktuell(e) tillitsvald(e). Kommunen vil få ekstra

lønnskostnader med eit slikt tilbod, og brukarbetalinga vil ikkje dekkja lønnskostnadene fullt ut. Dersom det for eksempel blir fem påmelde barn i SFO og åtte påmelde barn i barnehage, vil nettokostnaden for kommunen truleg bli minst 15 000 kroner.

Det vert tilrådd at kommunestyret gir rådmannen fullmakt til å fråvika frå SFO-vedtekene og barnehagevedtene. Konkret går dette på at rådmannen får fullmakt til å vurdere og avgjera om det skal gjevast SFO-tilbod på kvardagar i perioden 20.12.2021 – 30.12.2021 (unnateke julaftan og nyttårsaftan) og barnehagetilbod i perioden 27.12.2021 – 30.12.2021. Avgjerda bør baserast på følgjande:

1. Om det er mogleg å få til eit slikt tilbod, d.v.s. om kommunen har tilsette som kan arbeida desse dagane.
2. At tilbodet kan gjennomførast innanfor ei fornuftig kostnadsramme. Kommunen sin nettokostnad bør ikkje overstiga 20 000 kroner.

Ekstrakostnadene bør så langt som mogleg forsøkast dekkast innanfor gjeldande budsjett, men dersom dette ikkje er mogleg bør finansiering skje frå disposisjonsfondet.